

## 2 Timoteo

Mamabwinore soyuyebu Pablo bácu ñi toivaicōjeiye báquede yóbocayoca paperayocare Timoteo bácu. Pablo bácu judíovacacu bácvacari, Jesús ñi yávaiye méne beorĩ soyuicōjeimã marejaquemavũ, soyucayũ ñi yávaiye méne judíova ãnevũre, judíova ne jũ abe boje ñi soyuyede. Lucas bácu soyurejaquemavũ Pablo bácu borore Hch 7:57-8:1, 9:1-31, 13:1-28:31, aru Timoteo bácu borore Hch 16:1-3, 17:13-16, 18:5, 19:22, 20:4. Caiye areyoca doce raiyoca Pablo bácu toivaicōjeiyoca úre toivacaipōescu bácu ñi paperayoca curiyocare Majerasũ Jũmenijicũ yávaiye mamaene soyuitucubo jívu javede toivaicōjeneaquemavũ ñi toivaicōjequiyede jipocare diyoca ñi bñojaiyocare. Pablo bácu soyurejaquemavũ úre toivacaipōescu bácu aipe ñi toivacaquiyede báquede diyocare. Toivaicōjeneaquemavũ diyocare ãniñũ bácarõre 64 d.C., ñi cuede ãmeina teivũre jẽni jacoĩñami Roma ãmicũrĩmaroi, ñi yaiquiyede jipojĩcai. Dinũmũre Lucas bácu quécũ dajocabedejaquemavũ Pablo bácu (4:11).

Pablo bácu toivaicōjeneaquemavũ diyocare ñi coreóvayede maume jabova ne boarĩ jarũvaquimũre. Parũre ñaiyũrejaquemavũ Timoteo bácu ñi ñmei aru ñaicōjeneaquemavũ aipe ñaiye jarõre ñ mácu (1:3-14, 2:1-13, 3:14-4:2, 5). Jãri coreicōjeneaquemavũ ñ mácu arevũ ne bueiye jãve ãmene (1:15-18, 2:14-3:9, 4:3-4). Soyurejaquemavũ aipe vaiye báquede ñ mácu

(3:10-13, 4:6-8, 14-18). Aru daicōjenejaquemavũ Timoteo básure Marcos básque ñi yebai ñi cãveque (4:9-13, 21).

*Pablo ñi meaicōjeino Timoteore  
(Hch 16.1; 1 Ti 1.2)*

<sup>1</sup> Yũ, Pablo, toivaicōjeivũ apesure iyoca papperayocare. Yũbu Jesús ñi yávaiye méne beorĩ couñicōjeimaracasũ. Jũmenijicũ ñbi ji couñiyede pōevare, ne majinajiyere ayũ ñ cãre ñacũyũre caivũ ina Jesũre jũ airpōevare Jesucristoque jãravũ cũiméjãravũ baquinóre.

<sup>2</sup> Mũ, Timoteo, yũ meaicōjeivũ mãre, ji amãre, jímacũre ráyũre. Majeracsũ Jũmenijicũ, maje jabocsũ Jesucristomaque, mearo ñacajacsũĩ mãre bojecsũbeda ñi me boje. Aru cõmaje ãroje jãjacũĩ mãre. Aru torojũĩ cãre ñajacsũĩ mãre cãrijimescũva.

*Pablo ñi couñino pōevare Cristorã  
(Hch 16.1; 1 Ti 2.7)*

<sup>3</sup> Yũ torojũede jívnũ Jũmenijicũre, ji memecaimũre, “Voropatebevũ yũ”, ji arĩ dárpiayequẽ, nóre jíñecũva mácavũ mãre ne ñre memecaiye báqueredeca. Ji jẽniaiyedeca Jũmenijicũque jãravũre aru ñamine mãre ãrvũ mãre cainũmũ. <sup>4</sup> ãrvũ mi oiye báquede. Que baru urarõ jãiyvũ mãre cojedeca, torojũcsũyũ ji baju. <sup>5</sup> ãrvũbu yũ mi jũ aiye báquede Jesũre jãve. Mamarãmũre miñeco Loida aru mipaco Eunice mãre jũ arejaima Jesũre. Aru jãve majivũ yũ mãre mãre jũ ayũre ñre.

6 Que baru āruicōjeivᵘ mure Jūmenijicai jīye báquede bojecubeda jī t̄oiyede mure jī p̄ruáque mi jipoburā, mi đaquiyere ayᵘ yópe Jūmenijicai urōpe. 7 Aru Jūmenijicᵘ daroibi majare ñai Espíritu Santore. Ɔ jidure đabecube majare. Quénora parure đaibi majare, maje ũmei memecarājiyere ayᵘ me Jūmenijicare. Ɔre đaibi majare Jūmenijicare aru p̄đevare máre. Aru majide đaibi majare maje oaburī coreivᵘ maje bajure coreóvaivᵘva me.

8 Que baru c̄yebejacᵘ mᵘ iye maje coyūiyede maje jabocᵘ Jesucristorā. Aru c̄yebejacᵘ yure máre, b̄noimᵘ c̄s̄careca úre boje. Quénora ývacari ñájiyubecᵘ āmevᵘ jī coyūiye boje Jesús ũi yávaiye méne, mᵘ máre ñájiyubecᵘ c̄bejacᵘ mi coyūiye boje Jesús ũi yávaiye méne. Napijacᵘ mi ñájiyede Jūmenijicai parúéque. 9 Jūmenijicᵘ meadaibi majare aru cutuibi majare máre, maje meara baju barājiyépe ayᵘ. Ɔbenita die boje maja memecabevᵘ úre. Quénora Jūmenijicᵘ mearo đacaibi majare bojecubeda nópe ũi đaiyue boje. Javede ijāravᵘ búquiye jipocai, Jūmenijicᵘ majidejaquemavᵘ meadac̄yure majare Jesucristoi đacaquiye boje. 10 Aru ñai meadaip̄đecᵘ Jesucristo ũi daiye báquede ijāravai, Jūmenijicᵘ jādovaimi ũi mearo đacaiye bojecubeda majare. Jesucristo āmei vaibéde đaibi majare maje yaijuroede. Que baru yaidé đainore jidúé jaubevᵘ majare. Aru Jūmenijicᵘ jādovaimi maje jᵘ aiyede Jesús ũi yávaiye méne c̄varājivure jāravᵘ c̄ūiméjāravᵘ baquinóre aru arebaju pojebebajure máre.

11 Ývacari Jūmenijicai epeimᵘtu, coyuc̄yᵘ

Jesús ñi yávaiye méne aru buescayü pöevare diede máre. Que baru Jesús ñi yávaiye méne beorĩ coyúicõjeimũtu yũ. <sup>12</sup> Que baru ñájivũ yũ caride bũoimũre. Æbenita cũyojarõ cũbevũ yũre. Que baru coreóvaivũ yũ ñai Jesucristore, ji jũ aimũre. Aru jãve bíjaroicõjemescũyũme ñi iye ji memecaiye báquede ére cainũmũa. Que majivũ yũ jãve.

<sup>13</sup> Cainũmũa coyũjacũ mũ iye yávaiyede jãvene cũinátũrũ ji coyũiyere mi járiaiye báquede. Jũ ajacũ Jesúre. Aru ñjacũ Jũmenijicũre, pöevare máre, mi cũe boje Jesucristoque cũinávũre.

<sup>14</sup> Jũmenijicũ coyúicõjeimi mũre iye yávaiye méne, arevũ ne oatvabenajiyere ayũ diede. Ñai Espiritu Santo múque cũcũ cadatecũyũme mũre, me mi coyũquiyere ayũ Jũmenijicũi yávaiye méne.

<sup>15</sup> Mũ coreóvaivũ caivũ ina Jesúre jũ aipöeva Asia ãmicũrijoborõcavũ javede dajocaivũre yũre, aru pũcarã nácvũ ne ãmiá Figelo aru Hermógenes máre. <sup>16-17</sup> Æbenita Onesíforocapũravũ ñi edaiyede Roma ãmicũriĩmaroi, cũiná vore cuquemavũ ñetvbecũva pũ yũre earĩta. Aru obedijãravũa torojũre dáme yũre, cũyojarõ cũre dabescũ ji cũede ne bũoimũre. Que baru cõmaje ãroje jãjacũrĩ maje jabocũ Jesucristo Onesíforo jivũre. <sup>18</sup> Múvacari coreóvaivũ me aipe Onesíforo ñi cadateiye báquede ñrarõ majare, cũrivũ bÁCavũre Éfeso ãmicũriĩmaroi. Que baru ãnijãravũ, Jũmenijicũi ñájiovaquijãravũ baquinóre pöevare, ne ãmeina teiye boje, cõmaje ãroje jãjacũrĩ Onesíforore máre.

*Jesucristoi churara meacu*  
(Mt 10.33; Lc 12.9; 1 P 5.1)

<sup>1</sup> M̄, jímacureca páy, parure ðajacu mi baju mi ũmei Jesucristoi mearo ðacaiye boje m̄re bo-jecubeda. <sup>2</sup> Aru iye ji couñiyede mi járiainoi obediv̄a p̄deva ne járiaiyede bueicōjebas̄ m̄ ãm̄va mearare, mi majimarare aru buení majidiv̄are máre, ne buenajiyere aȳ arev̄a p̄devare máre.

<sup>3</sup> Napijacu ȳre ñaje ñájiyede Jesucristore boje yóre churara meacu ñi ñájiyede napiyere. <sup>4</sup> ðajacu yóre churarape. Ñai churara ðaibi yóre ñi jabocu, ũre órejaȳ bás, ñi ur̄ore. Que baru ã memecaȳvacari ñi jabocure memecaiȳr̄idubebi churara ãmecure. Quédeca m̄ Jesúsre memecaȳvacari memecabebas̄ apesure mi jabocure. <sup>5</sup> Aru ðajacu yóre cúyaȳre. Nopedeca ñai yajuir̄oces̄ máre eabebi yo ñi yajuino bojede ména, ðabecu baru yóre yajuir̄evare ne cōjeiyere. Quédeca m̄ ðaȳ baru yóre Jesucristoi ðaicōjeiyere, c̄vacaȳmu no bojede. <sup>6</sup> Aru ðajacu yóre jiore máre memeh̄re. Ñai memeir̄oces̄re ũye j̄aȳ caiv̄ jipocamia die ñi oteiye báque j̄ēin̄m̄re ã jie baquiyé, ñi ur̄ar̄o memeiye báque boje. Quédeca m̄ memecaȳ baru Jesucristore ñet̄bec̄va, c̄vacaȳmu mi bojede. <sup>7</sup> Me dáriajacu m̄ caiye ji couñiyede. Mi me dáriaru diede, maje jabocu Jesús járiar̄i eare ðacaȳme m̄re caiyede.

<sup>8</sup> Āñjacu m̄ ñai Jesucristore, J̄menijic̄i nacovaim̄ mácre yainore jar̄var̄i aru ñai jabocu David bás̄i p̄ramecure máre. Ēi yávaiye méne couȳbu ȳ p̄devare. <sup>9</sup> Aru iye yávaiyede ji couñiye boje ñájiv̄ ȳ. Carita arev̄a mauc̄variv̄bu

yure buoiyeta tãumeaque yui ãmeina teivure jëni jacoifñami jívn̄i ãmeina ðayure. Æbenita ñame buojabecube buoyure ðayn̄ Jūmenijic̄i yávaiye méne. <sup>10</sup> Que baru napiv̄n̄ yn̄ caiye iye ñájiyede náre boje, ina Jūmenijic̄i beoimarare, Jesucristo ñi meadaquiyepe aȳn̄ náre máre, ne c̄rãjiyepe aȳn̄ úque ñi c̄rõ p̄eno mearo cavarõi cain̄m̄n̄a.

<sup>11</sup> Jãvetamu iye.

Ðabev̄n̄ maja yóre maje ðaiye báquepe maje j̄n̄ arãjiye jipocare Jesúre. Que teni yaiv̄n̄ b́acav̄rebu maja Cristoque. Que baru c̄rãjaramu maja úque. <sup>12</sup> Aru napiv̄n̄bu maja maje ñájiyede. Que baru jabotepajaramu maja úque. Æbenita maje j̄n̄ abedu úre, ñ máre j̄n̄ abec̄ȳme majare coara. <sup>13</sup> Aru maje j̄n̄ abedu úre, úcarp̄rav̄n̄ ðac̄ȳme majare yóre ñi aiye báquepedeca, ðac̄ȳn̄ ina úre j̄n̄ abev̄re. Que baru ñi baju, “Que ãmev̄n̄”, ar̄i buojabebi ñ.

Jãvetamu die.

*Μετειρῶες τε ας*

*(Jn 10.14; 1 Co 8.3)*

<sup>14</sup> År̄ure ðare ðajac̄n̄ m̄n̄ ina bueip̄õevare iye j̄i coȳiyede m̄re. Coreóvare ðajac̄n̄ náre Jūmenijic̄i jãinoi, ne jarabenajiyepe aȳn̄ ne baju aipe aiyr̄õre ne yávaicamuaque. Bueip̄õeva ne jaraiye boje, c̄bejebu die. Quénora ne jaraiyeque ãmedadama ina járiaiv̄re náre. <sup>15</sup> Méneca ðar̄i jãjac̄n̄, c̄sc̄ȳn̄ Jūmenijic̄i jãinore úre memecaȳn̄ ñi j̄n̄ aim̄re. Que teni c̄yebec̄bu m̄n̄ mi bueiye

boje me Jūmenijicūi yāvaiyede. Aru buejacū pōevare yāvaiyede jāvene.

16 Ūbenita buebejacū iye ijāravūque coyūiyede pueḏabede Jūmenijicūre aru ārūmene māre. Ina nōpe bueivū pūeno āmenape baju nūivūbu na. 17 Aru ne bueiyeque āmeina ḏaivūbu arevūre nōpe űai ijimū pojeiyeque pūeno āmesū baju űi nūiyere. Pūcarā nōpe buedama, ne āmiá Himeneo aru Fileto māre. 18 Ina dajocadama ne jū aiye báquede iye yāvaiyede jāvene. Borocurī, yōpe arī, “Javeta Jūmenijicū nacovaquemavū pōevare yainore jarūvarī”, űbenina arī coyūivūbu na. Que teni cārijovaivūbu arevūre, ne arājiyere aivū, “Majibevū űija aipe jaurōre űije jū aiyede”. 19 Ūbenita űame buojabema oatūvaivū iye Jūmenijicūi yāvaiyede jāvene. Que baru űame buojabema bíjare ḏaivū Jūmenijicūi ḏaiyede. Jūmenijicū parūre ḏaibi űi pōevare ne űmei. Aru jāḏovaimi diede űi toivaicōjeiye báquede űi yāvaiyede, yōpe arī: “Maje jabocū Jesús majibi ű jinare. Que baru caivū ina aivū, ‘Jesucristobe ji jabocū’, dajocajarāri na ne āmeina teiyede”, arejaquemavū Jūmenijicū.

20 Cūrami űradāmi jívūre jorogūa űre cūvū. Apeḏūa űruque ḏaidūa aru plataque ḏaidūa māre, űbenita apeḏūa jocūque ḏaidūa aru joboque ḏaidūa māre cūvū. Didūare űruque, plataque māre, ḏaidūa bojecūridūare, űai cūrami upacū epeicōjeűme űi yebai curādaivūre. Ūbenita didūare jocūque aru joboque māre, ḏaidūa bojecūbedūare, epeicōjeűme cūramicavūre. 21 Que baru űai pōesū dajocayū baru űi āmeina teiyede, memecacūyūme me maje jabocūre. Ūi mearo ḏaiye boje, pōeva

puedarãjarama maje jabocure, popedeca diduá bojecuridnaque ñai cãrami upacu puedaiyere ñai ùre jãcdayure. Que teni ñai Jãmenijicure memecayũ me, coreibi ðacũyũ caino memecaino mearore cainũmã. <sup>22</sup> Que baru ðabejacũ mũ ãmenore yóre arevũ bojũvũ ne ðaiyere ne baju urõpe. Quénora mearo ðarĩ jãjacũ, ðacũyũ mearore Jãmenijicũ jãinoi cainũmã, aru jũ acũyũ Jesús ùi yãvaiye méne, ucũyũ Jãmenijicure aru pðevare máre, aru cãrijimesũyũ náque, ina jẽniaivũ maje jabocure, ùi cadatequiyere ayũ náre aru curivũre ne dápiaino mearoque máre.

<sup>23</sup> Jápiarĩ adabejacũ mũ arevũ ne coyũiyede bojecãbede aru ãgũmene máre. Nácapũravũ me coreóvabevũbu. Æbenita múcapũravũ coreóvaivũ pðeva yóre coyũivũre, jararĩ bãrãjivũre. <sup>24</sup> Æbenita ñai memecayũ Jãmenijicure jaraiye jaũbevũ ùre arevũque. Quénora caivũque pðescu meacure bajacũrĩ. Aru buejacũrĩ me. Napijacũrĩ jarabescũva pðevaque máre. <sup>25</sup> Que teni buejacũrĩ ðuibareca pðescu meacure ina maucũvarivũre Jãmenijicũ yãvaiye méne. Que ðaru, Jãmenijicũ náre oatavare ðacũyũme ne dápiainore, ne jũ arãjiyere ayũ ùi yãvaiyede jãvene. <sup>26</sup> Que teni nácapũravũ dupini nũjebu ñai abujuvai jabocure jocarĩ. Æme náre jẽñũ máscũ yóre doriñũ jẽiyere moare. Æi jũjovaiye báque boje, cãvabi náre ãmeina teivũre, náre ðare ðacũyũ ùi urõpe.

### 3

*Aipe pðeva ne darãjino bũojaquijãravũba baquiyéde*



1 Coreóvajacu m̄u iyede. Ānijāravua b̄uōjaquijāravua baquiyéde, Cristoī co-  
 paídaquijāravu baquinó jipocai, p̄ōeva āmena  
 maiyójare đarājarama arev̄ure. 2 Yópe đarājarama  
 na, ina āmena. Ne baju urājarama. Aru jecurājarama  
 tāturare. Dápiarājarama ne baju mearape  
 arev̄u p̄eno. Arājarama, “Mearamu ñ̄ja arev̄u  
 p̄eno”. Aru āmeina yávarājarama. Jueđova ju  
 abenajarama nébuc̄vai soyiyede. Jibenajarama  
 toroj̄ede. Aru pueđabenajarama Jūmenijic̄ure  
 máre. 3 Jecubenajarama név̄ure. Aru cōmaje āroje  
 jāmenajarama arev̄ure. Yávarājarama boroc̄ede  
 arev̄u borore. Oarī corebenajarama ne baju  
 đaiȳede. Jijecurājarama. Aru ūbenajarama  
 caino mearore máre. 4 Jēni jínajarama p̄ōevare  
 ne mauvare. Aru đarājarama ār̄mev̄ure.  
 Dápiarājarama ne baju majidiv̄ure caiyede arev̄u  
 p̄eno. Jūmenijic̄uī ur̄ōpe đabenajarama na.  
 Aru soyubenajarama ūre. Quénora đarājarama  
 soyurājiv̄u ne baju yópe ne baju ur̄ōpe. 5 Arev̄u  
 p̄ōeva ne jāiyede náre đarājarama yópe ina mearore  
 jiv̄u Jūmenijic̄ure đaiyere. Ūbenita Jūmenijic̄ure  
 par̄ure đaicōjemenajarama ne ūmene đarājiv̄u yópe  
 ūi ur̄ōpe.

Dupini ñ̄jacu m̄u náre paiv̄ure jocarī. 6 Arev̄u  
 nácav̄u duibaj̄ēneca ecoic̄ōjene đaiyv̄bu náre arev̄u  
 ne c̄ramiai, j̄jovarājiv̄u nomiva ār̄mev̄ure.  
 Ina nomiva, ne dáp̄iaiye āmeque đaiye boje,  
 đaiyuriv̄bu āmenore ur̄arō. 7 Cain̄m̄ua jápiaiv̄bu  
 obediv̄u p̄ōeva ne bueiye mamaene. Ūbenita ye  
 b̄uōjabema coreóvaiv̄u áde yávaiyede jāvene. 8 Yópe  
 ina yaviva bácav̄u ne āmiá Janes aru Jambres ne

maucɨvɨae báquepe Moisés básɨre, nopedeca na máre, ina jɨjovaiɨvɨ nomivare, maucɨvarivɨbu iye yávaiyede jávene. Dáriaivɨbu ámenore cainɨmɨa. Aru Jɨmenijicɨi jarɨvaimaramu na, ne jɨ abe boje iye yávaiyede jávene. <sup>9</sup> Ɖbenita obedivɨ pɔeva coreóvarájarama aipe árojarivɨre náre. Járajarama náre áɨmɨvɨre, yópe ne jáiyere ina pɨsará Moisés básɨi mauva mácvɨre paivɨre.

*Pablo ái cõjeino yóbocarõ baju Timoteore  
(Hch 13.14-52; 14.1-20)*

<sup>10-11</sup> Ɖbenita múcapũravɨ coreóvaivɨ aipe ji bueiye báquede, aru ji ðaiye báquede, ji ðaiyɨe báquede, ji jɨ aiye báquede Jɨmenijicɨre, ji napiye báquede, ji ɨe báquede pɔevare, aru ji ñájiye báquede máre. Mɨ coreóvaivɨ aipe ina Antioquía, Iconio, aru Listra ámicɨrĩmaroacavɨ ne ñájine ðaiye báquede yɨre. Ne ñájine ðaiyedeca yɨre, cainɨmɨa napinejacacɨ yɨ. Aru maje jabocɨ Jesucristovacari meadarejame yɨre cainɨmɨa. <sup>12</sup> Jáve caivɨ ina meara maiyɨrívɨ Jɨmenijicɨi jáinoi cɨrivɨ Jesucristoque cũinávɨre ñájinajarama na. <sup>13</sup> Ɖbenita ina pɔeva ámena aru ina jɨjovaiɨvɨ máre pɨeno ámena nɨrajarama na. Jɨjovarájarama arevɨre. Aru náre máre jɨjovarájarama pɨeno baju.

<sup>14</sup> Ɖbenita múcapũravɨ dajocabejacɨ mi jɨ aiyede caiye iye mi bueiye báquede. Majivɨ mɨ jáve diede. Que baru mɨ coreóvaivɨ ina mɨre bueivɨ básavɨre iye yávaiyede jávene. <sup>15</sup> Aru mɨ coreóvaivɨ jɨedocɨ cãreja, caride máre, majicɨre iye Jɨmenijicɨi toivaicõjeiye báquede ái yávaiyede, mi majiquiyere ayɨ Jɨmenijicɨ meadacɨyɨre mɨre, mi jɨ aiye boje

Jesucristore. <sup>16</sup> Caiye iye Jāmenijicūi yāvaiyede úvacari toivare đarejaquemav̄na ina úre toivacaiv̄na bācav̄ure. Que baru ūi yāvaiye bojecav̄na majare, maje buenajiyere aiye iye yāvaiyede jāvene, aru maje coreóvarājiyere aiye maje āmeina teiyede, aru maje oat̄varājiyere aiye maje đaiyede, aru maje majinajiyere aiye aipe đaiye jauḡore, curājiv̄na meara Jāmenijicūi jāinore. <sup>17</sup> Ņai Jāmenijicūre memecayube nópe đarī me majini, napini coreȳna, đac̄ȳna caiye méne.

## 4

<sup>1</sup> Caride majeras̄u Jāmenijic̄u, maje jaboc̄u Jesucristomaque, járiabi iye ji soȳiyede m̄ure. Jesucristo copaidac̄ȳme ijārav̄i. Ņājine đac̄ȳme p̄deva ar̄iv̄ure aru yaiv̄na bācav̄ure máre, ne āmeina teiye boje. Aru jabotec̄ȳme caiv̄na p̄devare. Que baru paruḡoreca đaic̄ojeiv̄na ȳna m̄ure yópe ji soȳiyere. <sup>2</sup> Soȳjasc̄u Jesús ūi yāvaiye méne p̄devare. Me jāri coreni buejasc̄u náre caiv̄na, ne járiaiȳru aru ne járiaiȳbedu máre. Soȳjasc̄u m̄na p̄devare aipe ne āmeina teiyede. Aru đajo-caic̄ojejasc̄u náre diede. Buejasc̄u aipe đaiye jauḡore náre máre. Aru buejasc̄u nariyeque. <sup>3</sup> Eaquiye bu arejārav̄na āmejārav̄na. Ānijārav̄na baquiyéde p̄deva járiabenajarama buiye méne. Quénora ne baju uḡore vorājarama obediv̄na bueip̄devare, ne buenajiyere aiv̄na náre yópe ne baju járiaiȳere, ne đarājiyere aiv̄na āmeina teiyede yópe ne baju uḡore. <sup>4</sup> Que teni járiabenajarama iye buiyede jāvene. Ūbenita járiarājarama néñec̄uva mácav̄i soȳiyede báquede. <sup>5</sup> Aru paruḡoreca đaic̄ojeiv̄na ȳna m̄ure

cojedeca. Múcarũravu ðaicõjebasu me mi baju, coreónayure cainũma. Napijasus mi ñájijede. Aru soyujasus Jesús ñi yávaiye méne pðevare máre. Que teni mi memecaiyede maje jabosus Jesucristore ðajabus caiyede yóre mare ðaiye jaũrðe.

<sup>6</sup> Aru yúcarũravu joabejĩnotamu ji yaiquino. Maumena yure boarĩ jarũvarãjarama, ji memecaiye boje Jesucristore. <sup>7</sup> Iye Jesús ñi yávaiye méne soyuiyede soyuivũ yũ oabecũvacari. Que teni ðaivũ yũ yóre ñai cúyayũ arevũque ñi cúyaiyere oabecũvacari. Aru iye Jũmenijicũi urðe ðaiyede ðaivũ yũ oabecũvacari. Que baru bũojaivũ yũ yóre ñai cúyayũ arevũque ñi cúyarĩ bũojaiyere tũrvaita. Aru iye maje jũ aiyede Jesucristore dajocabevũ yũ. Quéno ra jũ aivũ yũ úre cainũma. <sup>8</sup> Que baru yóre ñai cúyayũ ñi jacosũiyepedeca ñi cúyaiye bojede eayũ arevũ jipocai, yure máre jícũyũme maje jabosus Jesucristo ñi daquijãravũ baquinóre, ji mearo ðaiye báque boje. Aru yũ cũinácũra ãmevũ, quéno ra jícũyũme caivũ ina úre urivũ napini cor-eivure ñi daquijãravũ baquinóre.

*Pablo ñi ðaicõjeino Timoteore*

*(Hch 12.12, 25; 13.13; 15.37-39; 20.4, 6; Ro 2.6; 2 Co 8.23; Gá 2.3; Ef 6.21-22; Col 4.7-8, 10, 14; Tit 1.4; Flm 24)*

<sup>9</sup> Caride meatejasus, jãcũdacũyũ maumena ji yebai. <sup>10</sup> Ñũ Demas dajocame yure ñi ue boje ijãravũquede aru nũamedã Tesalónica ãmicũriĩmaroi. Crescente nũamedã Galacia ãmicũrijoborõi. Aru Tito máre nũamedã Dalmacia ãmicũrijoborõi. <sup>11</sup> Ñai Lucas quécũrabe cuscũ yúque caride. Vorĩ davajabus múque Marcure,

ñi coreóvaiye boje cadateiyede ji memeinore. <sup>12</sup> Jarocasu yu Tíquicore Éfeso ãmicarĩmaroi. <sup>13</sup> Mu dayu, davacajasu yure ji rñenocacaje cuitótecajede, ji ðajocaino mácarõre Troas ãmicarĩmaroi, Carpoi cãrami. Aru davacajasu ji paperatucuboare aru ji toivaiyocare máre. Eñu yu iye toivaiyocare rñeno baju.

<sup>14</sup> Ñai Alejandro, tãure memeirõescu, ðarejame urarõ ãmeno yure. Maje jabocu Jesucristo ñájine ðacuyume úre ñi nópe ðaiye báque boje. <sup>15</sup> Que teni mávacari máre me jãjasu úre, ñi maucuvae boje parurõreca maje yávaiye méne.

<sup>16</sup> Mamarumure ji nuiye báquede jabova ne ãmeina teivure jëniari jãĩñami, soyucuyu ji ðaiye báquede ne boro soyurĩ adaiye báque boje yure, põescu cãbeteame yóvayy yure. Quéhora caivn ðajocaima yure. Jëniaivn Jümenijicque ñi ãrumetequiyepe ayu yo ne ãmeno ðaino mácarõre yure. <sup>17</sup> Eñenita maje jabocu Jesucristo cadateame yure aru parure ðáme yure, ji soyuquiyepe ayu caiye iye ñi yávaiye méne. Aru cainoa joborõacavn nore cãrivn bácavn jápiaima diede. Que teni maje jabocu Jesucristo meadame yure urarõ ãmenore jaruvurĩ, yópe jëni iyupe põescure yavide jocarĩ. <sup>18</sup> Que baru jãve coreóvaivn yu maje jabocu Jesucristo meadacuyure yure cainumna. Aru cure ðacuyume yure ñi meadaimure ñi jaboteinumure cavarõ mearo ñi cãrõi. Que baru mearore jínajarevn úreca cainumna, jãðovarajivn úre meacu bajure. Quédecabu.

*Pablo ãi meaicõjeino Timoteojãre*  
*(Hch 18.2, 18; 19.22; 20.4, 21, 29; Ro 16.23; 2 Ti*  
*1.16-17)*

<sup>19</sup> Meajarari Prisca, aru Aquila, aru caiv<sub>u</sub> ina Onesíforo ãi cãramicav<sub>u</sub> máre. <sup>20</sup> Ñai Erasto mauteamedã Corinto ãmicãrĩĩmaroi. Aru ñai Trófimo ijim<sub>u</sub>re dajocacac<sub>u</sub> Mileto ãmicãrĩĩmaroi.

<sup>21</sup> Me ðarĩ jãjac<sub>u</sub>, dac<sub>u</sub>y<sub>u</sub> ji yebai uracoro jipocamia. Eubulo, Pudente, Lino, Claudia, aru caiv<sub>u</sub> ap<sub>u</sub>v<sub>u</sub> Jesúre j<sub>u</sub> airõeva meaicõjedama m<sub>u</sub>re.

<sup>22</sup> Maje jaboc<sub>u</sub> Jesucristovacari cãjacãrĩ múque. Aru Jãmenijic<sub>u</sub> mearo ðacajacãrĩ caiv<sub>u</sub> mãjare bo-jecãbeda ãi me boje. Quénoramu.

# **Majepacá jūmenijicui yávaiye mamaene coyñitucubo**

## **New Testament in Cubeo (CO:cub:Cubeo)**

copyright © 2009 Wycliffe Bible Translators, Inc.

Language: Cubeo

Translation by: Wycliffe Bible Translators, Inc.

Cubeo [cub], Colombia

### **Copyright Information**

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Cubeo

**© 2009, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses,

please contact the respective copyright owners.

2014-04-22

---

PDF generated using Haiola and XeLaTeX on 21 Feb 2024 from source files  
dated 29 Jan 2022

dbd749ed-4c37-5cd8-b20e-caf1f8ff5885